

天下郡國利病書

一七

天下群國新編書

一

固始志戶口 嘉靖壬寅、知縣張梯按舊冊、
百歲未除、嫁女尚造、乃令開舊報新、使流移
歸編戶、而脫漏者無容、死亡免造入、而成丁
者咸在、以故戶增而口減也、况民畏丁累
不敢盡報、是故觀戶而知 國運之盛、觀口
而知藏富之仁、

雞山縣志

襄陽李公曰隆慶以前銀差以各項徵力差以審戶定也注四想其時今日催此項錢

明日催彼項錢應差人又討工食追呼無寧日也且也有一番追呼則有追呼人一番科歛而民坐困矣知縣應存初立為一條鞭法一條鞭法云者以各項銀差并力差工食合為一處計銀若干數然後照丁高下糧多寡以此銀派徵之徵畢則分此以為銀差起解及為官覓力差人之工食也百姓完此外無一事矣法誠良哉所願官是邑者因而行之不復分徵不入庫寄不使豪右人攬收侵欺則國計民生兩裨之矣又曰會銀昔未有也以里甲供億不才官費之不貲乃酌一年應費之數定銀有額入一條鞭內徵收在官用之名之曰會銀會銀設而費有限矣此節愛之良法也何近時又令十甲里長輪流支使豈免包贖而里長為得不派之各人戶哉抑且指一科十矣是既有會銀復用里甲也為小民之困不滋甚乎官是邑者而恤民艱省里甲歸農焉庶不失設立會銀之意矣

臨漳縣土地記 張鳴南 普天之下地有定分賦有定額曷以大也強

者兼圻而糧少弱者削地而糧多部臣上其議以查欺清浮請故有丈地之命既丈矣何以復丈也有司志立功者以神速為能不丈而報完志憚名者以核察為能偽增而報數欺隱未必革而浮糧益浮矣部臣上其議以民稱便者已之不便者復丈請故有復丈之命有司者苦復丈之難多假以稱便報罷時邑侯新任至以此而質諸父老咸云漳地之丈不平也侯毅然曰知丈之不平以勞費而不為之所非收也遂下復丈之令擇土官趙時民等二十員矢之以誓諭之以法授之以方畧相地里張村較中自此分四隅坵以千文編號每坵限五頃四十畝鱗次而丈之立坵頭坵副分丈坵內之田某若干某若干一坵一簿以備查立公直老人品田之

高下而第其等、恐民田影於屯田也、先吊屯田之冊以照其數、恐境內影於鄰境也、會鄰境之官以定其界、恐妄用之誣慢也、不時巡行於郊間、量一坵躬驗土脉以勘其公私、恐書手造冊因緣成弊也、令委官自相攢造、飛灑者無所用其策、可謂慮周義著矣、丈上地八千二百五十四頃七十七畝二分九釐七毫四絲七忽五微、照畝起科、下地三百七十三頃八十四畝二分七厘九毫九絲九忽二畝、准一起科、堆沙地一百八十二頃二十九畝二分三厘一毫九絲一忽七畝、准一起科、計每畝正糧雜差徵銀四分六厘、河流免科、欺隱盡革、浮糧盡清、撫按兩臺大夫會疏薦之、百姓稱平矣、稱平者有四便焉、前者經界不正、兩鄰分寸是競、今清丈矣、彼疆我理、載在尺籍、孰敢奸度、息爭訟之端一便也、坵段既明、等則又定、地之

高下總數鐫石一畝不得增減絕那移之實二便也每坵報地數雖係之
戶頭必報其主名照名派銀令其自納戶免攢歛之擾三便也河糧固名
減半然一粒不登鬻賣逃流若何所控一行免之去包賠之累四便也豈
不為我漳民世永賴簿池君尉張君以事實年月屬余記之語云其身
正不令而行侯端本執紀法於上委官用命於下不敢食人一菜是以成
功易也不則有治法無治人安能盡善此人之所耳目者非余之諛
言也是為記萬曆乙酉二月丈始六月完之冊畢十月之交侯王姓名
良佑字又忠號柱峯庚午舉順天禮經一人金吾右衛官籍山東壽光人
回隆鎮在縣東南五十里南臨御河始隋煬帝導衛輝蘇門百泉水東北
引淇滏漳洹之水為大河御以巡幸賜名御河鎮居臨漳安陽內黃魏縣

之交衝嘉靖初年奉 旨立司場為總兌河南糧儲之所夫以河南之糧在河南交兌軍民兩便後乃移於小灘鎮兌則屬直隸大名今又移於館陶兌則屬山東。昌矣夫直隸無兌軍米山東有兌軍米兌於館陶宜也河南之糧胡為亦館陶兌乎司國計者酌通變宜民之方則回隆鎮交兌不可易矣 崔文敏公新建回隆兌運分司記 初豫漕之運兌於回隆後以水涉不利而改小灘正德庚辰漳水決顯王過東南過永和符恩入於衛出回隆之南五里館陶故道塞矣運事宜復而議者未遑也嘉靖庚寅河南叅政田登氏列小灘六害焉商量之欺斛減一分糲米之售石償三斗牙用十金而私一役夫重賄而得進狡奸取賈而連子婦入廠而竊法格異省償貸官銀布政使陶諧氏按察使林大輅氏議曰水利則運宜

復運復則害自去矣都御史徐公讚以御史王子舜耕沈子奎上其議得
旨允行明年辛卯分守叅政周忠氏領是事命其屬徹小灘之署而改
建焉作戶部分司布政分司堂寢各如制作厥三居米閱三月工成是歲
兌米先期兩月而畢省米一萬三千石有奇費省四萬金餘金二萬兩還
帑於呼政以宜民而已矣俗所未厭勿棘政也俗所不安勿憚作也利與
害因而生法與弊角而立夫而小灘失利運軍益絃矣物聚而民生心
利巨而強欲擅漳水善徙衛水渰淤弊矣以闢乎之弊當紓者之口運復
可害也是故隨時勤浚戒其濫後先事明禁決其必戢尚亦永利哉是舉
也恤民倡端田叅政之果究源作政二長之明費省工堅分守之嚴米長
器能都御史之公知府王天民及寮奉憲樂仁刻石載成而予銑附末議

垂後警云、

林縣險要圖說

注五
張應登

此林縣西山之險要也。險隘處所均屬太行

之支節。其北由百餘里而入。有馬塔口、虹梯口。迤南則為蟻尖寨。之南

為魯班壑。又南則有斷金橋、風門口。東峻峽、崔八口、関牆嶺。距邑七十餘

里而上。總之南北相連。人跡可及其險。而當守者。首蟻尖寨。次斷金橋。其

餘則崎嶇樵徑。車不得方軌。馬不得成行。上下為難。無容慮已。何者。蟻尖

寨西北距縣四十里。由姚村迤西五六里。為東寨門口。上有黃倉岩等泉

十處。中有官廳三楹。營房二十楹。原為官軍戍守而設也。北有教場、廣濶

七十步。可容馬卒千餘。南有倉廩遺址。尚在。廣濶二十步。可貯粟穀萬石。

自倉廩南。由小蟻尖寨、大蟻尖寨、百岩口、東蓋頭泉、小臨清水泉。至西蓋

頭泉。還距營房約二十五里餘。獨百巖口、東西蓋頭泉各有樵徑。可攀緣。

而上宜剗削之以絕蹊徑。又自教場北由朱路巖至斷頭岩，距營房約十里餘，而朱路岩亦有樵徑，宜剗削也。其北柳樹水泉，百戶水泉，磴曰焦水泉，俱營房正西。山西漆樹溝水泉，南柳樹水泉，蓮花水泉，俱大蟻尖寨山後西面。凡水泉皆可以資軍用。斷頭岩至西蓋頭泉，南北三十五里。東寨門至寨西後溝，東西闊十五里，總週八十里，而多俱屬官軍往來哨守。西寨後溝有通山西蹊徑，已經堵截，往來不通，而法久令廢，成路久矣。乃今剗削費計石粟止留一面上，下便于防守足矣。其斷金橋注六去縣西南五十里，由桃園店西上有水泉一道，與山西平順縣接壤險峻，一橋可渡一人，倘一夫而當閔，真萬夫之莫敵。東西咽喉行者絡繹，萬曆十五年因歲荒設官二員領軍二十分班守把，信為有見。今既事寧，亦宜掣回何者？冗食

之足慮而騷擾之可虞也。夫蟻尖寨下險上平，水泉數十可屯萬軍，此非
不執者思藉以逞哉？注七曹魏高齊倉屯瓦礫，猶有可辨，自古防之矣。官軍輪
守，向議為長而未及因水開田之利，將使守軍操戈終日而不事一生計
耶？此其所以困之也。合無守軍携家屯住，各因其泉之下流，隨宜開墾，佈
種自穫，不必起科，唯其數年大利之後，斟酌抵當，行糧分数，則地利以興，
險阻以固，而軍無困守之慮矣。

彰德府志 安陽在前代，水治為輔，嵩縣永和為永，和縣一曰永定，今縣
并之。然實要衝，長吏送迎貴官，或竟日不得視事，田附西城，東城者多為
圃，縣東夾洹水者，田皆填淤，宜麥宜藍，秋潦或連歲無成，民頗饒裕，田多
者至三千畝，或四千，自善應西皆山田，中下多種柿、梨、棗、核桃，宜菽、穀，又

善牧羊縣南田近岡阜在縣北者土黑多沙又其下也軍校錯民而居易犯法逮之輒匿頗稱難治成化前俗朴厚而民富弘治間奢靡自壬申盜起歲入損少乃更簡儉多棄賈為農湯陰衝要與安陽同田稍不及周流蔡園田皆淤漫亦苦歲潦西山接太行產煤木饒為新民性平坦近多豪猾好以唇齒高下人或陰籍大家過失伺隙則發籍相脅知府陳策辟其奸魁稍知戢矣湯陰安陽士喜負氣謝宦里居者多能自守不干林縣居太行下北有蟻尖亦地險也今設兵守之地僻止通晉貨他商賈罕至自水冶至縣路隘不能行車民健朴亦喜爭鬪田多岡阜有積石惟南川平衍宜桑棗穀麻菽木棉喜潦惡旱山產則甲於諸縣臨漳居漳衛之間田皆填淤沃衍無岡阜近漳水南決入安陽臨漳田收畝皆十斛

或八斛民占田多者至七八千畝喜奢靡好博然民性寬緩罕健訟者
磁州西阻太行漳潞在前居燕趙相衛之間巖郡也衝要視湯陰田多沙
鰥罕收民殊罷然有陶冶之利尚儉勤力武安涉皆並山作邑民性健
武喜訟以財自雄服室相高武安最多商賈廂房村唐罔不居貨西據十
八盤要害地也東南北則沃衍又產錫煤及堊土與涉田絕宜木綿涉則
產鐵及自然銅兩邑山多材木俱尚鬼禱賽浮祀病惟事祈禳死則舉尸
瘞室中篤修佛事磁自趙周臣以文章為金人師至今多士也

彰德府續志 先年驛傳馬驢牛頭審編上戶應役雖五年一更非至傾
產不已也近年題 准徵銀募應民間甚稱便矣蓋驛傳之利害恒苦于
冒濫之騷擾行使之需索省差遺嚴查覈此最驛傳興除之要領也舊例